

Radunanza dals 23-01-2019 a las 20.00
in l'Alvetern ad Ardez

Salüd

Anton Priuli salüda a 26 commembers. 11 commembers s'han s-chüsats. Sco prüm vain tgnü ün mumaint da quietezza pel cammerad Tis Brot, Niculin Bickel e Rico Viletta vegnan elets sco dombravuschs. Il president fà la proposta da müdar las tractandas e da tour sco sesavla tractada il tir intern cun la conferma da trar. La müdada vain acceptada dals preschians.

1. Il **protocol** vain prelet ed aprovà cun ün applaus.
2. Il quint annual vain preschantà e delcerà da la chaschiera. Il chantun haja surtut ils cuosts cha nus vain gnü per la drona da salvamaint d'usöls cunquai cha'l chantun ha fat our da nos proget ün proget chantunal. La drona resta pero in nos posses. I resulta ün gudogn total da 4'551.65 francs. Reto Franziscus prelegia il rapport dals revisuors da quaint e propuonna da dar dis-charg a la chaschiera. Quai vain fat da la radunanza cun ün applaus. La chaschiera prelegia il quint da l'implant Urezzas dal qual resulta üna sperdita da 2'793 francs. La radunanaz piglia cogniziun da quist fat main allegraivel.
3. In seis **rapport presidial** manzuna Anton Priuli ch'el saja gnü elet sco president cun ün curius sentimaint. Davo avair durmi üna not ed avair confessà la nouva a sia duonna haja'l dit cha cul agüd da la suprastanza e dals commembers stess quai sgüra funcziunar. Radunanzas da presidnet, radunanza dal district, saradas d'infuormaziun sur da la higiena da charn, infuormaziuns sur da l'iniziativa da chatscha, sezzüdas da suprastanza, contrat cul tir Urezzas, reglamaint da punctaziun da trofeas, proget da chüra e da salvamaint d'usöls culla drona, feista sül Stradun e per finir amo il premi da custodi da chatschader Svizzer 2018. I s'ha eir gnü mumaints per star insembel da cumpagnia. Quai pro la spassegiada illa chamonna Cluoza, il tir intern ed il Nadal sün Bos-cha. El es persvas ch'insembel rivaina da persvader als adversaris da la chatscha da reducziun da vuschar cunter l'iniziativa als 19 da mai 2019.
4. Mario Hässig dà **rapport sco darschader**. L'on 2018 saja stat fich intensiv cun plüs dis da chüra e dis da lavur cumüna. Il salvamaint d'usöls cun la drona saja stat ün punct central ed intensiv. Dürant 28 dis, dals 28 da mai fin als 16 lügl s'haja svoli e fat retscherchas pro 91 parcelas e pudü salvar 46 usöls d'üna mort crudela. El ingrazcha fich a tuot ils partecipats. Quist on varana duos dronas. Chi chi ha interess as dessa annunzchar pro Armon o pro el svesa. Als 27 d'october vaina pudü tour in consegna il premi da chüra da Jagd Schweiz ed eir amo il premi dal public, quai insembel cun las societats da chatschaders da nos cumün fusiunà. La società haja candidats chi han fat l'examen da tir. Quai sun Timo Schmidt e Nuno. Implü vaina quatter candidat novs, Corsin Campell, Franco Neff, Till Koller e Jeremi Sarbach.
5. Anton declera cha nossa secziun vess il dret da metter a disposiziun ün candidat per la **tscherna dal president da chüra districtual**. Ils preschaints dessan ponderar e s'annunzchar chi han interess o far propostas per prossma radunanza.
6. Marcus Bonorand preschainta l'idea chi vian sü da Scuol per far tuottas secziuns il tir inter e da laschar trar per la conferma da trar eir il di dal tir intern. Tenor differents votums para cha quai nu saja ün'idea nouva. Fingia avant 30 ons s'haja provà da far quai, pero sainza success. Ün tir intern cumünaivel vain sbütta unanimamaing. La

pussibilità da pudair trar la ocnferma da trar dūrant il tir intern vain eir sbüttà cun 25 cunter üna vusch.

7. Suot **mutaziuns** vain orientà cha Reto Barüda saja sorti da la società. Reto Nolfi es uossa veteran. La radunanza piglia sü cun ün applaus a Corsin Campell, Jeremi Sarbach, Franco Neff, Till Koller ed a Christina Koller sco nouvs commembers.
8. Armon orientescha davart da nos proget da pilot da salvamaint d'usöls culla drona. Nos proget saja gnü surtut da l'uffici da chatscha chantunal. Il chantun cumpra uossa 20 da quistas dronas e raparta quellas in differents districts. Nos district survain quatter ulteriuras dronas.
Marcus Bonorand orientescha da Domenic Schaniel fetscha inavant sco capotregant. Ils paracullas gniran fats dal 2019.
Anton fà attent chi's possa inscriver i'l internet per s'ingaschar cunter l'iniziativa.
9. Rico Viletta manaja chi saja stat bun d'esser stats preschaints culla drona a la festa da Stradun illa fracziun da Scuol. I füss bun d'esser eir in avegnir là. Emil Stecher ingrazcha fich a la suprastanza per la lavur praistada e propuonna cha quels dessan ir a tschaina cun lur duonnas. Rico Viletta manaja cha quels chi sun per l'iniziativa desser guardar l'ultim Netz Natur dal SRF.

Il president serra la radunanza a las 21.10

L'actuar Armon Schlegel